

Hyfforddiant Gyrru Cerbydau Nwyddau Trwm / Cerbydau Nwyddau Mawr Categori 1 (hyd at 7.5 tonnelli)



Yn gryno

Bydd y cwrs hwn yn eich galluogi chi i yrru cerbydau nwyddau mawr categori C1 hyd at bwysau gros o 7.5 tonnelli. Gallai'r rhain fod yn gerbydau nwyddau bach neu ambiwlansys yn y gwasanaethau brys.

Ar ôl cwblhau'r cwrs, gallech chi benderfynu uwchraddio eich trwydded i drwydded cerbydau nwyddau trwm C (Dosbarth 2) neu drwydded categori CE (Dosbarth 1).

Mae'r cwrs hwn ar gael fel rhan o Gyfrif Dysgu Personol. Mae Cyfrif Dysgu Personol yn fenter gan Lywodraeth Cymru sy'n cynnig cyfle i bobl gyrchu cyrsiau rhan-amser, am ddim, sy'n cynnig dysgu hyblyg a chyfleus sy'n cyd-fynd â'u ffordd o fyw bresennol (yn amodol ar gymhwysedd).

Mae'r cwrs hwn ar gyfer...

... pobl 19+ oed, sy'n byw yng Nghymru, mewn cyflogaeth ac yn ennill yn llai na £30,596 y flwyddyn

TAFLEN GWYBODAETH AM Y CWRS

... unrhyw un sydd eisoes yn meddu ar drwydded yrru car. Nid oes gofyniad o ran amser penodol ers i chi ennill y drwydded

... gyrwyr galluog sy'n dymuno uwchsgilio a dilyn gyrfa yn y diwydiant trafnidiaeth fel gyrwyr cerbydau nwyddau

... unigolion sy'n dymuno ymuno â'r gwasanaethau brys a gyrru ambiwlans

Cynnwys y cwrs

Fel arfer, caiff hyfforddiant gyrru ymarferol ei gynnal ar sail un i un dros ddiwrnod a hanner gan gynnwys eich prawf ymarferol. Yn ystod yr amser hwn, byddwch chi'n dysgu sut i wirio am ddifffygion, gyrru a symud cerbyd Categori C1 i'r safon ofynnol.

Mae'r prawf ymarferol yn cynnwys dwy ran:

ymarferiad bacio 'siâp S' i mewn i fan llwytho
gyrru ar y ffordd am 60 munud

Byddwch chi'n dychwelyd ar gyfer diwrnod ychwanegol i gwblhau eich cymhwyster Tystysgrif Gallu Proffesiynol i Yrwyr, Modiwl 4. Bydd angen y cymhwyster hwn arnoch chi i ddefnyddio eich trwydded C1 at ddibenion gwaith.

Gofynion Mynediad

Cyn yr hyfforddiant ymarferol, bydd angen i chi:

gwblhau asesiad meddygol er mwyn cyflwyno cais am eich trwydded yrru dros dro
pasio'r profion theori Cerbydau Nwyddau Mawr perthnasol

Caiff yr elfennau hyn eu trefnu ar eich cyfer chi.

Gwybodaeth Ychwanegol